

ხელშეკრულება სახელმწიფო შესყიდვის შესახებ №17
(CPV კოდი 71321400-ვენტილაციასთან დაკავშირებული საკონსულტაციო მომსახურებები)

ქ. თბილისი

27 იანვარი, 2014 წელი

ერთის მხრივ, სსიპ „საქართველოს მეცნიერებათა ეროვნული აკადემია“ (შემდგომში – შემსყიდველი) წარმოდგენილი მისი პრეზიდენტის მოადგილის-იოსებ ბაჩიაშვილის სახით და მეორეს მხრივ, შპს „404“ (შემდგომში მიმწოდებელი) წარმოდგენილი მისი დირექტორის ბორის სოსელიას სახით, ორივე ერთად წოდებული როგორც „მხარეები“, ემოქმედებთ, რა საქართველოს კანონმდებლობის შესაბამისად და ედებთ წინამდებარე ხელშეკრულებას „სახელმწიფო შესყიდვების შესახებ“ საქართველოს კანონის მე-3 მუხლის I ნაწილის „ს“ ქვეპუნქტის თანახმად, გამარტივებული შესყიდვის საშუალებით შემდეგზე:

1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ ხელშეკრულება (შემდგომში – „ხელშეკრულება“) „სახელმწიფო შესყიდვების შესახებ“ საქართველოს კანონის საფუძველზე შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე, მთელი დოკუმენტაციით, რომლებზეც ხელშეკრულებაში არის მინიშნებები;
- 1.2. „შემსყიდველი ორგანიზაცია“ (შემდგომ – „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.3. „მიმწოდებელი“ ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ;
- 1.4. ხელშეკრულების ღირებულება ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს, თუ ხელშეკრულებით სხვა პირობა არ არის გათვალისწინებული.

2. ხელშეკრულების საგანი

- 2.1. მიმწოდებელი წინამდებარე ხელშეკრულების თანახმად შემსყიდველს – საქართველოს მეცნიერებათა ეროვნულ აკადემიის (მის: თბილისი, რუსთაველის გამზ. 52-ში) დამონტაჟებულ 2 ცალ კონდენციონერს ჩაუტარებს დიაგნოსტიკას და გაუწევს კონსულტაციას.

3. შესყიდვის ობიექტი

- 3.1. შესყიდვის ობიექტი – ვენტილაციასთან დაკავშირებული საკონსულტაციო მომსახურებები.

4. შესყიდვის ობიექტის ხარისხი

- 4.1. მიმწოდებელი იღებს ვალდებულებას, რომ მის მიერ გაწეული მომსახურების ხარისხი უპასუხებს წინამდებარე ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.
- 4.2. შესყიდვის ობიექტის მომსახურების ხარისხი უნდა შეესაბამებოდეს ამ სფეროში არსებულ სტანდარტებს და ტექნიკურ ნორმებს.

5. ხელშეკრულების ღირებულება

- 5.1. ხელშეკრულების საერთო ღირებულება შეადგენს 55 (ორმოცდათხუთმეტი) ლარს.
- 5.2. ხელშეკრულების საერთო ღირებულება მოიცავს ხელშეკრულებით გათვალისწინებული

მომსახურების შესყიდვასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს (დღგ-ს ჩათვლით)

6. შესყიდვის ობიექტის მიწოდების ვადები და ადგილი

6.1. შესყიდვის ობიექტის მომსახურების ვადა – ხელშეკრულების დადებიდან 2 სამუშაო დღეში.

6.2. შესყიდვის ობიექტის მომსახურების ადგილი - ქ. თბილისი. რუსთაველის 52

7. მიღება-ჩაბარების წესი

7.1. შესყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით.

7.2. შესყიდვის ობიექტის მომსახურება მიმწოდებულად ჩაითვლება მხოლოდ მიღება-ჩაბარების აქტის გაფორმების შემდგომ.

8. ანგარიშსწორების ფორმა და გრაფიკი (ვადები)

8.1. ანაზღაურება მიმწოდებელთან განხორციელდება უნაღდო ანგარიშსწორებით, ლარებში, ამ ხელშეკრულებით გათვალისწინებული მიმწოდებლის საბანკო ანგარიშზე.

8.2. ხელშეკრულების მთლიანი ღირებულება დაიფარება არა უგვიანეს 15 (თხუთმეტი) სამუშაო დღისა მიღება-ჩაბარების აქტის გაფორმების შემდეგ.

8.3. დაფინანსების წყარო – 2014 წლის აკადემიის სახელმწიფო ბიუჯეტის ასიგნების ფარგლებში.

9. მხარეთა უფლება-მოვალეობანი

9.1. შემსყიდველი და მიმწოდებელი მოქმედებენ საქართველოს კანონმდებლობის სრული დაცვით.

9.2. შემსყიდველი ვალდებულია:

9.2.1. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;

9.2.2. ხელშეკრულებით გათვალისწინებული პირობების შესაბამისად, აუნაზღაუროს მიმწოდებელს გაწეული მომსახურების ღირებულება;

9.2.4. წერილობითი ფორმით დაუყონებლივ აცნობოს მიმწოდებელს შესყიდვის ობიექტზე წუნის აღმოჩენის შესახებ.

9.3. შემსყიდველს უფლება აქვს:

9.3.1. განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.

9.4. მიმწოდებელი ვალდებულია:

9.4.1. დროულად, ხარისხიანად და კეთილსინდისიერად შეასრულოს ხელშეკრულებით ნაკისრი ვალდებულებები;

9.4.2. დაიცვას ხელშეკრულებით გათვალისწინებული ყველა პირობა;

9.4.3. დააკმაყოფილოს შემსყიდველის მოთხოვნა დამატებითი მონაცემების წარმოდგენის შესახებ კანონმდებლობით დადგენილი წესით;

9.4.4. გაწეულ მომსახურებაზე შემსყიდველის მიერ რაიმე დეფექტის ან ნაკლის აღმოჩენის შემთხვევაში, შეტყობინების მიღებისთანავე, განახორციელოს თავისი ხარჯებით ხარვეზის გამოსწორება.

9.5. მიმწოდებელს უფლება აქვს:

9.5.1. მოსთხოვოს შემსყიდველს ამ ხელშეკრულებით ნაკისრი ვალდებულების შესრულებისათვის ანაზღაურება ხელშეკრულებით გათვალისწინებული პირობებით.

10. ხელშეკრულების შესრულების კონტროლი

10.1. შემსყიდველის მიერ ხელშეკრულების შესრულების კონტროლი (ინსპექტირება) განხორციელდება

პერიოდულად როგორც შესყიდვის ობიექტის მომსახურების დროს, ისე ამ ხელშეკრულების მოქმედების პერიოდში შესყიდვების მოთხოვნის შესაბამისად;

10.2. შესყიდვის ობიექტზე გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესის შესაბამისად.

11. მხარეთა პასუხისმგებლობა ხელშეკრულების პირობების დარღვევისას

11.1. მიმწოდებელი ამ ხელშეკრულებით ნაკისრი ვალდებულების არ შესრულების ან არასრულად შესრულების შემთხვევაში ჯარიმდება ხელშეკრულების ღირებულების 0,2%-ის ოდენობით;

11.2. მიმწოდებელს უფლება აქვს ამ ხელშეკრულების 8.2. პუნქტის შეუსრულებლობის შემთხვევაში წერილობითი ფორმით შეტყობინების საფუძველზე შემსყიდველს დაარიცხოს ჯარიმა გადაუხდელი თანხის 0,1%-ის ოდენობით.

12. ხელშეკრულების პირობების გადასინჯვის შესაძლებლობა

12.1. წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

13. გარანტია

13.1. მიმწოდებელი იძლევა გარანტიას, რომ მის მიერ გაწეული მომსახურება არ გამოავლენს დეფექტს, წინააღმდეგ შემთხვევაში იგი ვალდებულია საკუთარი სახსრებით თავად უზრუნველყოს ექსპლუატაციის პროცესში გამოვლენილი ყველა დეფექტის და ნაკლის გამოსწორება.

14. ფორს – მაჟორული სიტუაციები

14.1. მხარეები არ არიან პასუხისმგებელნი თავიანთი ვალდებულებათა სრულად ან ნაწილობრივი შეუსრულებლობაზე, თუ ეს შეუსრულებლობა გამოწვეულია ისეთი გარემოებით, როგორიცაა: წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, ამასთან, ისინი უშუალო ზემოქმედებას უნდა ახდენდნენ ხელშეკრულების შესრულებაზე;

14.2. მხარე, რომელსაც შეექმნა ფორს-მაჟორის გარემოება, დაუყონებლივ აცნობებს ამის შესახებ მეორე მხარეს.

15. ხელშეკრულების მოქმედების ვადა და შეწყვეტა

15.1. ხელშეკრულება ძალაში შედის ხელშეკრულების თავში მითითებული თარიღიდან და ძალაშია 2014 წლის 28 თებერვლის ჩათვლით.

15.2. ხელშეკრულება შეწყდება საქართველოს კანონმდებლობით გათვალისწინებული პირობების არსებობისას.

15.3. ხელშეკრულების შეწყვეტა შესაძლებელია მხარეთა შეთანხმებით ნებისმიერ დროს მისი მოქმედების განმავლობაში.

16. დავები და მათი გადაწყვეტის წესი

16.1. მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას მხარეთა ერთობლივი მოლაპარაკების საფუძველზე, ხოლო შეუთანხმებლობის შემთხვევაში, ნებისმიერ მხარეს შეუძლია მიმართოს სასამართლოს.

17. სხვა პირობები

- 17.1. წინამდებარე ხელშეკრულებით გათვალისწინებული პირობები რეგულირდება საქართველოს კანონმდებლობით;
- 17.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.
- 17.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით;
- 17.4. ხელშეკრულება შედგენილია ქართულ ენაზე სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ერთი მიმწოდებელთან და ორი შემსყიდველთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

შემსყიდველი

სსიპ „საქართველოს მეცნიერებათა
ეროვნული აკადემია“

მისამართი: ქ. თბილისი,
რუსთაველის გამზ. №52
ტელ/ფაქსი: 2997372 ;2990052
ს/კ №203851536
სახელმწიფო ხაზინა
სახაზინო კოდი 220101222
ანგარიშის №200122900



/იოსებ ბაჩიაშვილი/

მიმწოდებელი

შპს „404“

დირექტორი

მის. ქ.თბილისი, ნ. რამიშვილის 33

ტელ: 2 404 404; 2 404 000

ს/კ №204568663

სს „თიბისი ბანკი“

ბანკის კოდი: TBCBGE22

ა/ა GE13TB1157136020100006

/ბორის სოსელია/